




نارنج وادستان

حامد ۱۳۳۶



بر کون پیر فسیلی مجموعه مباحث
پاک چوق آرا نیر اور نه ده مجموعه بولنیز

اجند شرف خدمت اجدادی فراموش
آمارینه اسلافك رغبت اولنیز

طاهر اغا درگاه شریفندہ غسل اولنوب فاتح جامع شریفندہ
 جنازہ نمازی بعدالادا عاشق پاشا جامع شریفی قارشوسندہ سید ولایت
 حضرت تلرینہ خوابگاه اولان قبة عالیہدہ جناب سید مشارالہک قدم
 عالیبری جہتندہ یعنی تربہ شریفہنک زقاق قبوسنہ قریب پنجرہاوکنندہ
 دفین خاک غفران ایدلمشدر . اقدم فی ۱ رمضان المبارکسنہ ۱۳۳۸
 طاهر اغا درگاہی بوسست نمینی
 علی بہجت

— مجموعہ —

شیخ افندی حضرت تلرینک واقع اولان شوہمترینہ تشکراولنور.
 ذاتاً، بزم مجموعہی جیقارمقدن وتراجم احوالہ متعلق بو کبی قیمتلی
 شیلری بالتحرری یازمقدن مقصدمن بیلدیکمزی درینغ ایتسامک
 و بیلمدیکمزی دہ اہلندن اوکر نمکدر . استانبولک معلوم اولان حریق
 خانمانسوزی کہ: کویا اسلافدن قالہ نہ قدر اما کن وصنایع و کتب نفیسہ
 وار ایسہ آنلری بتمامہا یاقوب محو ایتمکہ مأمور ایش کبی ہر طرفی
 جولان ایلدیکی ائنادہ سید ولایت حضرت تلرینک تربہ عالیبرینی دہ فراموش
 ایتمہرک برقاچ سنہ اقدم اوسنکین بنا ایچنہ برفرست بولہرق دخول
 ایتمش واورادہ نہ قدر کتسابہلر، لوحہلر، پوشیدہلر، ودہا نہ قدر
 قیمتلی شیلر وار ایسہ اونلرک جملہ سنہ دہ احما و احراق ایش و بوکبی
 تاریخی ارتحاللر اکلاشلق موفقیتی مفقود قالمشدر . بناءً علیہ
 تربہلر درونندہ کی مراقد مبارکہ یہ یا اوقاف نظارتی و یا خود ہر محلہنک
 اہل عہق طرفندن لوحہلر تنظیم وتعلیق ایدلسہ دہا طوغریسی
 ہر جامع ومدرسہ و خانقاہک صورت بناسنہ واورادہ کیملر مدفون
 ایسہ علما وفضلا ومشایخنک احوالہ دائر بر کتاب یازیلوب ہر جامع
 ومدرسہ و خانقاہدہ موجود بولندیریلوب وقوعات ظہورہ کلدکچہ
 تذیل ایدلسہ ابقای نام اسلافہ وتاریخہ حسن خدمت ایدلمش اولور .